

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ
ԸՆԴՀԱՆՈՒՐ ԺՈՂՈՎՐ

Մարտի 27-ին Հայկական ՍՍՀ գիտությունների ակադեմիայի նիստերի ղաֆիճում տեղի ունեցավ հանրապետության գիտությունների ակադեմիայի ընդհանուր ժողովը:

Ժողովը ներածական խոսքով բացեց Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը: Հաշվետու ժամանակաշրջանում, ասաց նա, ակադեմիայի գիտական կոլեկտիվների գործունեությունը նպատակամղված է եղել հետազոտությունների հետադա գարգացմանը, գիտական հաստատությունների նյութատեխնիկական բազայի, գիտության և արտադրության կապի ընդլայնմանը, ակադեմիայի կազմում գիտական նոր հիմնարկների, լաբորատորիաների, կոնստրուկտորական բյուրոների ստեղծմանը: Կենսագործելով կուսակցության առաջադրած խնդիրները, գիտական կոլեկտիվներն իրենց հիմնական ուղադրությունը բևեռել են հատկապես հիմնարար աշխատանքների հետազոտությունների ուղղությամբ, որոնք անմիջականորեն նպաստում են գիտատեխնիկական առաջադիմությանը և հատկապես կարևոր են արդյունաբերության առաջատար ճյուղերի զարգացման, ժողովրդական տնտեսության մեջ գիտական արդյունքները արմատավորելու համար: Գիտությունների ակադեմիայի մի շարք ստորաբաժանումներում, նշեց ակադեմիկոս Վ. Հ. Համբարձումյանը, որտեղ ամուր հիմքերի վրա են զրված աշխատանքները, առկա են շոշափելի հաջողություններ, որոշակի ու ճշգրիտ են հետազոտության պլանները, որոնք նպատակաուղղված են ժողովրդատնտեսական խոշոր խնդիրների լուծմանը:

Գիտությունների ակադեմիայի պրեզիդենտն այնուհետև խոսեց հասարակական գիտությունների գծով ձևոր բերված նվաճումների, գիտական համընթացի կառավարման, արտադրության հետ գիտության կապի, կադրերի պատրաստման, հետազոտությունների որակի բարձրացման հարցերի մասին: Նա հույս հայտնեց, որ հանրապետության գիտության աշխատողներն արժանի գործերով կնշանավորեն Վ. Բ. Լենինի ծննդյան 110-րդ տարեդարձի, Սովետական Հայաստանի 60-ամյակի տարին:

Հայկական ՍՍՀ գիտությունների ակադեմիայի 1979 թվականի գործունեության հիմնական արդյունքների մասին զեկուցումով հանդես եկավ հանրապետության գիտությունների ակադեմիայի ակադեմիկոս քարտուղար, Հայկական ՍՍՀ գիտությունների ակադեմիայի թղթակից անդամ Գ. Ա. Գալոյանը: Նա նշեց, որ ակադեմիայի հիմնարկները հաշվետու տարում նշանակալի աշխատանք կատարեցին հետազոտությունների արդյունավետության ու որակի հետագա բարձրացման ուղղությամբ: Հայկական ՍՍՀ գիտությունների ակադեմիայի ինստիտուտների, գիտական մյուս հիմնարկների կոլեկտիվները համախմբելով իրենց ջանքերը, հաջողությամբ լուծեցին ժողովրդական տնտեսության զանազան ճյուղերի համար առաջնահերթ նշանակություն ունեցող, սկզբունքորեն նոր գիտական գաղափարների և տեխնիկական լուծումների մշակման հետ առնչվող մի շարք հիմնարար խնդիրներ: Զգալի աշխատանք է տարվել կադրերի պատրաստման, գիտական հիմնարկների կառուցվածքի բարելավման, ինչպես նաև ժամանակակից սարքավորումներով զրանց ապահովման, նյութատեխնիկական բազայի ամրապնդման բնագավառում: Բնչալիս և նախորդ տարիներին, ուղադրության կենտրոնում են գտնվել արտադրության հետ գիտության կապի ամրապնդման, ժողովրդական տնտեսության մեջ գիտահետազոտական աշխատանքների արդյունքների ներդրման հարցերը: Գիտությունների ակադեմիայի հիմնարկները սերտ գիտական համագործակցությամբ են աշխատել ՍՍՀՄ գիտությունների ակադեմիայի և հանրապետական ակադեմիաների համապատասխան հիմնարկների հետ: Հաշվետու տարում ընդլայնվել և ամրապնդվել են գիտական համագործակցության այնպիսի ձևեր և մեթոդներ, ինչպիսիք են համատեղ գիտական սեմինարները, նստաշրջանները և կոնֆերանսները, փորձի, գիտական հետազոտությունների ղեկավարների ընդլայնված արդյունքների փոխանակումը:

Նշանակալի աշխատանք է կատարվել հանրապետությունում տարվող գիտահետազոտական աշխատանքների ցողորդինացման նպատա-

Վրով: Այս հարցին էր նվիրված Հայկական ՍՍՀ գիտական հիմնարկների ու բուհերի բնական և հասարակական գիտությունների բնագավառում գիտական գործունեության կոորդինացման խորհրդի 1-ին նստաշրջանը, որը կայացավ 1979 թվականի հոկտեմբերին:

Հայկական ՍՍՀ գիտությունների ակադեմիայի ղեկավարության հիմնական արդյունքների վերաբերյալ գեկուցման քննարկմանը մասնակցեցին հանրապետության գիտությունների ակադեմիայի ակադեմիկոսներ Վ. Հ. Ղազարյանը և Մ. Գ. Մանվելյանը:

Մտերի 28-ին «Վ. Ի. Լենինը և Հայաստանը» թեմայով գեկուցեց ակադեմիկոս Դ. Բ. Ղարիբջանյանը: «Հետազոտությունների օլիգոմերների քիմիայի բնագավառում» գեկուցումով հանդես եկավ Հայկական ՍՍՀ գիտությունների ակադեմիայի թղթակից անդամ Ս. Գ. Մացոյանը: «Մանրէական ինսեկտիցիդները, դրանց ներկան և ապագան» թեմայով գեկուցում կարդաց Հայկական ՍՍՀ գիտությունների ակադեմիայի թղթակից անդամ Է. Գ. Աֆրիկյանը:

Տեղի ունեցավ Հայկական ՍՍՀ գիտությունների ակադեմիայի պարգևների ամենամյա ավանդական հանձնում: Բեղմնավոր գիտական

գործունեության համար մեծարման դրեր շնորհվեցին Հայկական ՍՍՀ գիտությունների ակադեմիայի ակադեմիկոսներ Ա. Ի. Բարայանին, Բ. Ն. Առաքելյանին, Մ. Գ. Ներսիսյանին:

Գիտության զարգացման գործում ներդրած մեծ ավանդի համար Վաստակագիր ստացան հանրապետության գիտությունների ակադեմիայի թղթակից անդամներ Է. Բ. Աղայանը, Հ. Գ. Բակլավաջյանը, Ա. Հ. Գարրիկյանը, Ս. Գ. Մացոյանը, Գ. Խ. Սարգսյանը, Մ. Լ. Տեր-Միքայելյանը, գյուղատնտեսական գիտությունների դոկտոր Ռ. Մ. Ղալաչյանը, պատմական գիտությունների դոկտոր Վ. Բ. Բարխուդարյանը:

1979 թվականի գիտահետազոտական հաջող գործունեության համար 32 գիտնականների հանձնվեցին գովեստագրեր:

Հայկական ՍՍՀ գիտությունների ակադեմիայի տարեկան ժողովին մասնակցում էին ընկ. ընկ. Բ. Ե. Սարկիսովը, Ֆ. Տ. Սարգսյանը, Գ. Ն. Անդրեևը, Կ. Լ. Գալլաքյանը, Լ. Ն. Ներսիսյանը, Յա. Ի. Խաչիկյանը:

Ա. ԱԼԵԿՍԱՆԶԱՆ